

○ **Enformaziuns dla consei pastoral** (sontada dai 6 de forá 2020)

**Cunc dla dlijia:** i cunc dla dlijia 2019 motüs dant da Jep Agreiter (consej d'aministrazion) é gnüs aproés.

**Spenores pa sopoltöres:** do les sopoltöres (por na mesora) él te calogna la poscibilité da aposté messes y dé jö spenores por la dlijia; les spenores co ven fates por d'atres organisaziuns periunse da dé jö diretamonter a chi ch'ares é destinades.

**Carsema:** en Capiun sará la messa ales 8:00 da doman • le lönesc, dedemesaledema y vendres é ponsés desco dis d'oraziun te familia • dache i ultimi agn él tan pücia jont co tolea pert, ne sará les funziuns dles Staziuns con les uniuns nia plü ia por l' edema, mo la domegna do la gran messa • ples messes dla jöbia sera (dai scolari dla mesana) periunse i mituns co é jüs a confermé y chi co jará le proscimo iade da lí la letöra y arjigné ca y porté dant les supliches • ai 24.3 él la messa da sera empede ai 25 (Festa dl'Anunziaziun dal Signur) • ai 29.3 él ales 19:30 la Via Crucis con dötes les uniuns • i termins dles pissias da Pasca ven ciamó lascés alessei.

**Pröm vendres:** le prim vendres sera vegnel tigní na Zelebrazion dla Parora de Dio.

**Santes messes:** i periun da tó pert plü ativamonter ala santa messa sii con le cianté empara co con le rospogne.

**Les ores:** deache tai ultimi agn él tan pücia jont co va ales ores fajunse da sen ennant öna na ora do la gran messa y na mesora dan espi.

**Cortina:** al ven chirí en el a daidé ciaé les fosses; chi co se metess a dispozizion é periés da le dí a Jan Agreiter.

**En Santa Maria dai Ciöf** vegnel eniann le Vesco ai espi y ala prozesciun, porchel fajunse te cösta ocasiun na prozesciun eucaristica con 2 vangeli.

- **“Le Saltá”:** i geniturs dal comun de Mareo co á albü dal 2019 en möt/na möta, y ess ienn da lascé publiché söa foto tla plata de Comun „Le Saltá” é bel enviés da mené na fotografia te bona cualité a palfrader@rolmail.net, anter i 25 de forá. lolan!
- **Lites de Comun: en jöbia, ai 20 de forá,** vegnel tigní ales 20:00 tl'Ostaria Sotru na sontada por meter sö la lista comunala **“Paisc d'La Pli”**. Düc i enterressés a fá empara é bel enviés a tó pert. → **Le resultat dla prelita é tache fora te tofla sön plaza.**

☺ **Canche la dlijia s'la ri**

*Le maester de religiun spliga che tal Vedl Testamont stál scrit “Edl por edl, dont por dont”, mo che Gejú s'ensegna “Orédi bun a üsc nemisc”. Jelele ô s'enformé plü avisa y damana: “Denant co i mazé ete i donz? o dedô?”*

*La patrona superba te confescional: “I dá pro ch'i feji picé: vigne iade ch'i ciari te spidl diji ‘sora döt le paisc nen n'él gnanca öna tan na bela co tö!’ ” “Apo”, rospogn le confessor, “atló ne fejeste degün picé – atló te fáleste!”*

<b>Döt le bun a:</b>	Ottília Ellecosta Gasser, Rina	* 17.02.1929
	Lois Willeit	* 20.02.1939
	Maria Maddalena Feichter	* 21.02.1939
	Vitoria Angela Erlacher	* 22.02.1933
	Lois Trebo, Al Plan	* 22.02.1935
	Heinrich Willeit	* 22.02.1940
	Vesco Ivo Muser	* 22.02.1962
	y a düc chi co á santennom y complesc i agn cöst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina le dedemesaledema sera a Franz Rigo: ☎ 0474 500978 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



# Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas  
E-mail: [ploania@gmx.net](mailto:ploania@gmx.net)

Calogna Al Plan: 0474 501006  
Radio de Ploania: 93,00 MhZ

UNITÉ PASTORALA



Ann A

16.02.2020 - 6. domegna ia por l'ann

n. 12

## Na iustizia nea

📖 Sir 15, 15–20 | 1 Cor 2, 6–10 | Mt 5, 17–37


### Dal Vangelo do San Mateo:

Te chel tomp á Gejú dit a sü discepui: [...] Sce osta iustizia n'é nia cotan maiú co chera dai studiés dles scritöres y dai farisês, ne roareise nia tal regn dal ci. <sup>21</sup>I eis aldí, ch'al ti é gnü dit ai vedli: Te ne desses nia copé; chel co copa zacai dess gní sotmetü al iudize. <sup>22</sup>Iu endere ves diji: Vignönn, co se dessena ince ma con so fre, dess gní sotmetü al iudize; y chel co ti dij a so fre: tö tec!, dess gní sotmetü ala sontonza dal gran consei; [...] <sup>27</sup>I eis aldí ch'al é gnü dit: Te ne desses nia rumpí le matrimone. <sup>28</sup>Iu endere ves diji: Chel co ti ciara ince ma belo con veia a na era, á belo rot te so cör le matrimone empara. [...] <sup>31</sup>I eis aldí, ch'al ti é gnü dit ai vedli: Te ne desses nia dé joramont falz, y: Te desses tigní i joramonc che te i as dé al Signur. <sup>34</sup>Iu endere ves diji: No stede daldöttonia a dé joramont. [...] <sup>37</sup>Osc sce sii n scé, osc na sides n na; döt l'ater ven dal mal.

### Oraziun dal de

*Periun! Oh Dio, tö ti ôs bun a töes creatöres, töa ligreza é da abité danter la jont: dassé n cör nö y net co sii arjigné da te tó sö. Por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen*

(Lezionar A)



📖 *Letöres dla 7. domegna ia por l'ann:*

**Lev. 19, 1–2.17–18 | 1 Cor 3, 16–23 | Mt 5, 38–48**

Edema liturgica dai 16.02. ai 23.02.2020

<b>DOM 16.</b>	<b>6. domegna ia por l'ann</b> i recordun i tomés y pordüs te vera <b>08:30 gran messa</b> por döta la ploania y por i tomés y pordüs te vera, <b>funziun te cortina</b> <b>14:00 funziun dal Bato de Iris Palfrader, Luis Pedevilla y Anna Ploner</b> 10 y 18 s.m. a Al Plan	<i>Iuliana, Filipa</i> <i>offerta por la ploania</i>
<b>Lön 17.</b>	<b>18:00</b> <i>I set sanc fondadús dal ordinn dai Servic, Marzel</i> s.m. a Al Plan	
<b>Ded 18.</b>	<b>07:30</b> <i>Sciomun, Constanzia</i> s.m. d'aniversar por † Giovanni Ploner, La Munt s.m. d'aniversar por † Stase Terza, André s.m. por Florian y Nese Terza, André s.m. por vis y †† dal Crazier y de Val	
<b>Dem 19.</b>	<i>Irmgard, Bonifazio</i>	
<b>Jöb 20.</b>	<b>19:30</b> <i>Amata, Iordan</i> s.m. por † Lena Frena Brandlechner, Sotrú s.m. por †† Carlo y Hermann Ploner, Corterei s.m. por † Zilia Daporta ved. Pezzei, Lungiarü s.m. por †† Maria y Paola Kehrer, Longega	
<b>Ven 21.</b>	<b>07:10</b> <i>Pire Damiani, German</i> s.m. a Al Plan	
<b>Sab 22.</b>	<b>18:00</b> <i> festa dla Catedra de San Pire, Diego, Isabella, Margareta da Cortona</i> s.m. <i>prefestia a Al Plan</i> <b>19:30</b> s.m. <b>prefestia</b> por † Vittoria Pedevilla Ellecosta, La Pli s.m. por †† Lois, Fane y Tone Trebo, Zelé/Biei defora s.m. por les families Erardi, Marô s.m. por † Pasquale Winkler, Rara	
<b>DOM 23.</b>	<b>08:30</b> <b>7. domegna ia por l'ann</b> gran messa por döta la ploania s.m. de ringraziament a Santa Maria dal Bun Consei s.m. por † Jan Maneschg 10 y 18 s.m. a Al Plan	<i>Policarp, Otto, Romana</i> <i>offerta por la ploania</i>
<b>ampola:</b>	por les families Erardi	
<b>ministronc:</b>	• da doman y domegna: Alex y Moses • da sera y domegna: Fabian y Filip	
<b>i recordun:</b>	Matia Astner Anastasia Terza Paola Kehrer Moroder, Urtijej Giovanni Ploner	18.02.2017 18.02.2017 20.02.2015 20.02.2016



La iustizia dal amur (Mt 5, 17–37)

I ponsi do

Gejú s'á tut dant trep:  
da ester plü gran co la  
lege sorantuta dai  
peri. El damana a sü  
discepuj plü amur y  
misericordia y ti dá  
ensciö ala lege na  
forma nea y completa.  
Gejú é plen de bunté  
mo tal raport con i atri  
ierel trep; al ô che  
l'amur sii le segn co  
desfaronzieia chi co  
crei te El.

I preii ensciö

Tan de tribunai astemo tö, Gejú, y tan de licari adoresté  
mo por roé dô a dötes les pratiches de chi co ven  
iudichés por s'avei motü cuntra so fré?  
Belo ma por me adorasste en gröm de tomp, sc'i ponsi a  
tan de iadi ch'i striti o mo desseni con zacai. Sce te  
metes ciámó lapró düc i atri ... Bun laur, Gejú.  
Sce la iustizia sö da te é tan pegra co la nosta podunse  
se sté en pêsc. Mo cösc ne creii nia. Tö es furbo y as  
motü ete te vignönn de nos en tribunal particular: la  
coscionza co, arvenüda da töa Parora, se iudicheie y  
s'amonésc canche i fajun le mal. Ara á na usc sterscia y  
delicata y, ince sc'i ne l'ascutun nia dagnora sö, ala fin  
davagnera y se encorajéiera a fá miú. Báia entres con  
nos, Signur, y sont ete te nosc cör la iustizia dal amur.

Walter Cazzaniga, Parola amica – Il Vangelo della domenica per ragazzi

→ “La storia dla Tor de Bábel cuntada ai mituns” jará ennant le proscimo iade.



Vita de ploania y de paisc



“I te cherdì con to ennom” dij le Signur.

Con le Sacramont dal Bato ven tuc sö tla comunité dla Dlijia:

**Iris Palfrader**, de Manfred y Claudia, *Col*

**Luis Pedevilla**, de Bruno y Marlene, *Terza*

**Anna Ploner**, de Christian y Elisabeth, *La Pli*

La ploania i fej les miús aodanzes ai geniturs: Idio, la Oma dal Ci y i Sanc Patrons  
acompangeii Iris, Luis y Anna con söa benedisciun y proteziun.

- **Joneza:** la Joneza d'La Pli organiseia ince eniann endô le torneo de calcetto por jones y jogn. S'aspetun en domegna ai 23 de forá dales 19:30 ennant te Ciasa dles Uniuns por les iscriziuns. Le torneo metará spo man dles 20:00. S'aspetun en trec.
- **Enformaziun dal Consei d'Aministraziun - Cunc dla dljia:** la ploania preia che düc dái ince eniann endô desco contribut ala dljia na sperona por daidé paié l'orgo. Cösta pó gní paiada ete te banca:  
Cassa Raiffeisen IBAN IT 60 B 08010 58550 000305001820,  
Cassa dal Sparagn IBAN IT 18 B 06045 58550 000005000568.  
I podeis ince dé jö Osc contribut te calogna (alta ete) en **sabeda ai 22 de forá** do la messa da sera y la **domegna ai 23 de forá** do la gran messa. En bel iolan samben ince a düc chi co á daidé a valgamoda o á belo dé ca na spenora por cösc ann. En bel iolan ince por Osc cör davert a ennom de chi co á ciafe les ofertes menades demez. Iolan y Dio s'al páii!  
→ Desco enjunta ala plata dla ploania él da ciafé na plata con i cunc de dljia 2019.